



**R. P. Ioannis Præpositi Atrebatis, E Societate Iesv, S.
Theologiæ Doctoris, & quondam in Vniuersitate
Louaniensi ac Duacensi Professoris, Commentaria In
Tertiam Partem S. Thomæ De Incarnatione Verbi ...**

LePrévost, Jean

Dvaci, 1629

Art. I. Vtrum totus Christus contineatur sub hoc Sacramento.

[urn:nbn:de:hbz:466:1-94249](https://nbn-resolving.org/urn:nbn:de:hbz:466:1-94249)

Dico 2. qualibet substantia corporea completa potest in aliam corpoream conuertere, quia potest desinere esse ex eo quod alia sub eius accidentibus ponatur: quemadmodum enim in mysterio Eucharistia corpus Christi ponitur sub speciebus panis, ita qualibet alia substantia corporea ponitur tanquam designabilis per huiusmodi species.

Porro substantia completa corporea non tantum potest conuertere in aliam completam, sed etiam in incompletam, patet in mysterio Eucharistia, in quo panis conuertitur in corpus Christi, quod est substantia incompleta.

Conferuntur tantum substantia completa potest designari sub accidentibus prioris substantia, sed etiam incompleta, v. g. dici potest, hoc est anima equi, hoc est materia; ex quo patet quod substantia completa possit conuertere in materiam primam, item in formam, immo in accidentia, quia nihil repugnat quo minus accidentia aliqua succedant sub accidentibus substantia, quæ destruitur, & quidem ex intentione ponendi illa tanquam designabilia per accidentia substantia quæ destruitur, v. g. quantitas potest produci sub albedine panis, tanquam designabilis per albedinem.

Dico 3. una materia potest conuertere in aliam, similiter & forma in aliam. nam forma posita sub quibusdam accidentibus potest destrui, ut alia sub iisdem ponatur, similiter & materia, materia etiam potest conuertere in formam, & forma in materiam, item forma, vel materia in compositum, seu substantiam completam, quia vnumquodque horum potest poni sub accidentibus, sub quibus aliud naturaliter vel supernaturaliter erat constitutum, potestque per illa accidentia designari.

Dico 4. potest etiam accidens sub alio latens conuertere in substantiam materialem completam vel incompletam, immo & in aliud accidens, patet ex ratione superiorum conclusionum.

Dico 5. potest etiam corpus conuertere in spiritum, si videlicet corpus destruitur, ut spiritus ponatur sub illius accidentibus tanquam designabilis per illa, hoc modo potest etiam materia vel forma, item accidens conuertere in spiritum.

Dico 6. potest etiam spiritus conuertere in corpus, vel etiam in alium spiritum, similiter in accidens. Probatur fieri potest, ut sub accidentibus quibus designabatur spiritus substitueretur alius spiritus per illa designabilis, vel constitueretur corpus vel accidens: quamuis enim accidentia sensibilia non possint naturaliter spiritum afficere, nihil tamen repugnat quo minus spiritus supernaturaliter sub illis ponatur, & postmodum constituitur alius spiritus per illa eadem designabilis. Similiter constituitur corpus quod sub iisdem accidentibus succedat spiritui, similiter & aliquod accidens.

Ex quibus patet aliquo tandem modo quilibet creatum posse conuertere in quolibet creatum.

Et hæc, quæ hæcenus dicta sunt, fieri possunt per formam sensibilem consimilem formæ consecrationis: quemadmodum enim forma: hoc est corpus meum, exigit, ut sit corpus Christi designabile sub speciebus panis, ita similis forma exigit ut id ponatur sub accidentibus, quod per huiusmodi formam enuntiat, & proinde ut spiritus, corpus, accidens vel aliud simile quod antea latebat sub accidentibus, desinat esse sub illis, quod cum non necessario alibi sit consecrandum, Deus potest de-

sinere illud conseruare, atque adeo potest conuertere in id quod sub accidentibus succedit. quamuis enim non sit talis oppositio inter spiritum & spiritum, vel inter spiritum & corpus, ut si ponatur alius spiritus vel corpus sub accidentibus, sub quibus spiritus antea latebat, necessario desinat esse spiritus, cum etiam naturaliter posset alibi conseruari; nihilominus Deus potest illum destruere, quia alium spiritum vel corpus producit sub iisdem accidentibus, ita ut velit desinere spiritum conseruare, quia producit aliud sub accidentibus; sub quibus antea erat huiusmodi spiritus, sed

Difficultas est, num ad conuersionem vnius substantia in aliam opus sit illa formæ verborum sensibili. Aliqui asserunt, Deum non posse aliter conuertere substantiam in substantiam, cum enim inter substantias non sit oppositio ex naturæ rei, illa debet oriri ex eo quod forma verborum requirit, ut res in quam dicitur conuertenda, sit presens sub accidentibus alterius sub quibus altera consistere nequeat posita veritate formæ, nec etiam possit alibi existere (saltem naturaliter) suis accidentibus destituta: unde dicunt spiritum non posse conuertere in spiritum, vel etiam in corpus, quia posito spiritu vel corpore sub sensibilibus accidentibus sub quibus antea erat spiritus, & desinente spiritu sub illis latere, is potest etiam naturaliter alibi existere. Verum non videtur Dei potentia ad huiusmodi instrumentum, & ad demonstratiuum verborum formam restringi; sed videtur posse solâ voluntate, etiam nullo sensibili instrumento, per quod demonstretur esse aliquid sub accidentibus, vnum destruere, quia sub aliquo communi aliud ponit, hæc enim ratione desinit vnius & positio alterius aliqualem inter se habent connexionem & ordinem, nec planè per accidens se mutuo respu-
ciunt.

Potest deus
vnam sub-
stantiam in
aliam con-
uertere sine
vlla verbo-
rum formâ
sensibili.
Sufficeret
quod sub
aliquo co-
muni aliud
poneret.

QVÆSTIO LXXVI.

De modo, quo Christus est in hoc Sacramento.

ARTICVLVS I.

Utrum totus Christus contineatur sub hoc Sacramento?

RESPONDEO articulo quærit D. Th. in genere num totus Christus contineatur in hoc Sacramento, saltem sub vtrâque specie simul sumptâ?

Respondet autem affirmatiuè, quod est de fide, ut constabit ex dicendis art. sequenti. tradit etiam Patres, Ambros. lib. de ijs qui mysterijs initiantur cap. 9. in illo Sacramento Christus est, quia corpus est Christi. Hieron. epist. 150. ad Edebiam quæst. 2. ipse conuiuium, & conuiuium, ipse comedens & qui comeditur. August. concione 1. in Psal. 33. ferebatur manibus suis quando commendans ipsum corpus suum ait: hoc est corpus meum; ferebat enim illud corpus manibus suis.

Resp. affir.
Est de fide
Christum
totum con-
tineri.
Ambros.
Hieron.